

特32

312

傳

十八史略讀本

池田觀註解

卷三

傍訓十八史略讀本卷之三

卷ノ三

漢土 廬陵 曾先之編次

日本 大阪 池田觀傍訓

東漢

世祖光武皇帝名秀字文叔長沙定王彘之後也景帝生發發生春
 陵節侯買侯再三世徙封以南陽白水鄉為春陵宗族往家焉買少
 子外外生回回生南頓令欽欽生秀於南頓有嘉禾一莖九穗之瑞
 故名先是有望氣者望春陵曰氣佳哉鬱鬱蔥蔥然王莽改貨曰貨
 泉人以其字為白水真人秀竟從白水起隆準日角受尚書通木義
 嘗過蔡少公少公學圖讖言劉秀當為天子或曰國師公劉秀乎秀
 戲曰何由知非僕邪及新市平林兵起南陽騷動宛人李通迎秀起

東漢

兵秀兄續字伯升慷慨有大節常憤憤欲復社稷平居不事家人生
 業傾身破產交結天下雄俊至是乃遣親客發諸縣兵續自發壽陵子
 弟皆恐懼曰伯升殺我及見秀絳衣大冠驚曰謹厚者亦復為
 之乃自安部署賓客招說諸帥新市平林下江兵皆來會兵多無所
 統一欲立劉氏從人望下江將王常欲立續新市平林將帥憚其威
 明遂立更始以續為大司徒秀為將軍秀徇昆陽定陵鄧皆下之莽
 遣王邑王尋大發兵平山東以長人巨無霸為壘尉驅虎豹犀象之
 屬以助兵勢號百餘萬旌旗千里不絕諸將見兵威皆走入昆陽欲
 散去秀至鄧定陵悉發諸營兵自將步騎千餘為前鋒尋邑遣兵數
 千合戰秀奔之斬首數十級諸將曰劉將軍平生見小敵怯今見大
 敵勇甚可怪也尋邑兵却諸部共乘之連勝遂前無不一當百秀與

卷之三

敢死者三千人衝其中堅尋邑陣亂漢兵乘銳崩之遂殺尋昆陽城
 中守者亦鼓譟出中外合勢呼聲動天地莽兵大潰走者相踐伏尸
 百餘里會大雷風屋瓦皆飛雨下如注虎豹皆股戰溺死湍川者萬
 數關中聞之震恐海內豪傑響應皆殺莽牧守自稱將軍用漢年号
 旬月偏天下續兄弟威名日盛更始殺續秀不敢服喪飲食言笑惟
 枕席有涕泣處更始慙拜秀大將軍封武信侯未幾以秀行大司馬
 事遣徇河北所過除莽苛政南陽鄧禹杖策追秀及於鄴秀曰我得
 專封拜生遠來寧欲仕乎禹曰不願也但願明公威德加於四海禹
 得效其尺寸垂功名於竹帛耳更始常才帝王大業非所任明公莫
 如延攬英雄務悅民心立高祖之業救萬民之命天下不足定也秀
 大悅令禹常宿止於中與定計議邯鄲卜者王郎詐稱成帝子子真

入邯鄲稱帝。徇下幽冀州郡響應。秀北徇薊。上谷太守耿况子弇馳至盧奴。上謁秀曰：是我北道主人也。薊城反應。王郎秀趣出城。晨夜南馳。至蕪蕪亭。馮異上豆粥。至饒陽。乏食。至下曲陽。聞王郎兵在後。至漳沱河。候吏還白。河水流澌。無船不可濟。秀使王霸視之。霸恐驚衆。還即詭曰：水堅可渡。遂前。至河。冰亦合。乃渡。未畢。數騎而水解。至南宮。遇大風雨。入道。傍空舍。馮異抱薪。鄧禹煮火。秀對竈燎衣。異復進麥飯。至下博。城西惶惑。不知所之。有白衣老人指曰：努力。信都為長安城守。去此八十里。秀即馳赴之。時郡縣皆已降。王郎獨信都太守任光。和我太守邳彤不肯。光出聞秀至。大喜。彤亦來會。發旁縣得精兵。移檄討王郎。郡縣還復響應。秀引兵拔廣阿。披輿地圖。指示鄧禹曰：天下郡縣如是。今始得其一。子前言不足定何也。禹曰：方今海內

敬亂人。思明君猶赤子。慕慈母。古之興者在德。厚薄不在大小也。耿弇以上谷漁陽兵行定郡縣。會秀於廣阿。進拔邯鄲。斬王郎。得吏民輿。郎交書數千章。秀會諸將燒之。曰：令反側子自安。秀部分東卒。皆言願屬大樹將軍。謂馮異也。為人謙退不伐。諸將每論功。異常獨屏樹下。故有此號。更始遣使立秀為蕭王。令罷兵。耿弇說王辭以河北未平。不就。徵王擊銅馬諸賊。悉破降之。諸將未信降者。降者亦不自安。王救各歸營。勒兵自乘輕騎。案行諸部。降者相語曰：蕭王推赤心置人腹中。安得不效死乎。悉以分配諸將。南徇河內。赤眉西攻長安。王遣將軍鄧禹等兵入關。禹薦寇恂。文武備具有牧民御衆之才。使守河內。王自引兵徇燕趙。擊尤。朱大槍等諸賊盡破之。王還至中山。諸將上尊號。不許。至南平棘。因請又不許。耿純曰：士大夫捐親戚棄

土墻從大王於天石之間固望攀龍鱗附鳳翼以成其所志耳今留
時逆來恐望絕計窮則有去歸之思大家一散難可復合馮異亦言
且從衆議會儒生強華自關中奉赤伏符末曰劉秀發兵捕不道四
夷雲集龍鬪野四七之際火為主群臣因復請乃即皇帝位于鄴南
改元建武○赤眉樊崇等立宗室劉盆子為帝年十五時在軍中主
牧羊被髮徒跣敝衣赭汗見衆拜恐畏欲帝○賊入長安更始走帝
下詔封為淮陽王○宛人卓茂嘗為密令教化大行道不拾遺上即
位先訪求茂以為太傅封褒德侯○車駕入洛陽遂都之○關中未
定鄧禹引衆而西號百萬所至停車駐節勞采百姓垂髻戴白滿車
下名震關西至栒邑久不進兵赤眉大掠而出禹乃入長安赤眉復
入禹戰不利走徵還京師遣馮異入關禹慚無功要異共攻赤眉大

戰於回溪敗績收散卒堅壁已而大破赤眉於峭底軍書勞異曰始
雖垂翅回溪終能奮翼涇池可謂失之東隅收之桑榆赤眉餘衆東
向宜陽上勅軍待之樊崇以劉盆子丞相徐宣等肉袒降上陳軍馬
令盆子君臣觀之謂曰得無悔降乎宣叩頭曰去虎口歸慈母誠歡
誠喜無限上曰卿所謂鐵中錚錚庸中佼佼者也各賜田宅○睢陽
人斬劉永降劉永在更始時立為梁王更始亡永稱帝至是敗○漁
陽太守彭寵奴斬寵以降初上討王郎寵發突騎轉糧不絕自負其
功意望甚高不能滿幽州牧朱浮與書曰遠東有豕生子白頭將獻
之道遇群豕皆白以子之功論於朝廷遠東豕也上徵寵寵自疑遂反
至是敗○劉永所立齊王張步降上初以步為東萊太守已而受永
命王齊將軍耿弇屢戰大破之拔視阿齊南臨菑車駕至臨菑勞軍

謂余曰將軍前在南陽建大策嘗以為落落難合有志者事竟成也
步敗齊地悉平○將軍吳漢等擊斬劉永所立海西王董憲及叛將
龐萌等江淮山東悉平時惟隗囂公孫述未平上積苦兵間謂諸將
曰且當置此兩子於度外耳○馮異自長安入朝上謂公卿曰是我
起兵時主簿也為吾披荆棘定關中詔勞異曰倉卒蕪蕪豆粥澤
沱河麥飯厚意久不報○建武八年上自將征隗囂潁川盜起上還
謂執金吾寇恂曰潁川迫近京師獨卿能平之耳從九卿復出可也
恂勸上親征賊悉降恂竟不拜郡百姓遮道曰願借寇君一年乃留
恂鎮撫大軍不戰而還○建武九年隗囂死囂自更始初年起兵至
建武初據天水自稱西州上將軍後嘗遣馬援往成都觀公孫述援
與述舊語當握手歡如平生時述已稱帝四年矣援既至武陳陸衡

以延援援謂其屬曰天下雖雄未定公孫不吐哺迎國士及修飾邊
幅如偶人形此何足久警天下士乎因辭歸謂翼曰子陽并底蛙耳
而妄自尊大不如專意東方翼乃使援奉書雒陽初到良久即引入
上自殿廡下岸橫迎笑曰卿遠遊二帝間今見卿使人大慚援頓首
曰當今非但君擇臣臣亦擇君臣與公孫述同縣少相善臣前至蜀
述陸載而後進臣臣今遠來陛下何知非刺客姦人而簡易若是帝
笑曰卿非刺客顧說客耳援曰天下反覆盜名字者不可勝數今見
陛下恢廓大度同符高祖乃知帝王自有真也援歸翼問東方事援
曰上才明勇略非人敵也且開心見誠無所隱伏闕達多大節畧高
祖同經學博覽政事文辨前世無比翼曰卿謂何如高帝援曰不如
也高帝無可無不可今上好文事動如法度又不喜飲酒翼不懌曰

如卿言反復勝乎。遣子入侍。未幾反復。嘗問班彪以戰國從橫之事。彪作王命論。諷之。竊不聽。馬援詣行在。上復使游說。仍自賜書。竊竟臣於公孫述。述立竊為朔寧王。上征竊。馬援在上前。聚米為山谷。指畫形勢。開示軍所從徑道。上曰。虜在吾目中矣。遂進軍。竊奔西城。病餓。志憤而卒。子純降。隴右悉平。○十二年。公孫述亡。述茂陵人。自更始時。據蜀稱帝。國號成。上既平隴右。曰。人苦不自足。既得隴。復望蜀。遣大司馬吳漢等將兵會征南大將軍岑彭伐蜀。彭在荊門。裝戰船。漢欲罷之。彭不可。上報彭曰。大司馬習用步騎。不曉水戰。荊門之事。一惟任南公為重而已。彭戰船並進。所向無前。述使盜刺殺彭。吳漢繼進。至成都。擊殺述。蜀地悉平。○涼州牧竇融率河西武威張掖酒泉燉煌金城五郡太守入朝。融自建武初。據河西。後遣使奉書上。

以為牧賜。奎書曰。議者必有任竇。教尉佗制七郡之計。書至河西。皆驚。以為天子明見萬里之外。上征隴。竇融率五郡兵與大軍會。蜀平。奉詔歸朝。拜冀州牧。○十八年。代王盧芳死於匈奴。芳安定人。詐稱武帝曾孫。劉文伯自建武初。據安定。匈奴迎之。立為漢帝。數為邊郡寇患。後來降王于代。復反。奔匈奴。以病死。○二十一年。匈奴求和。親上遣使許之。自呼韓邪單于死于成帝時。其後累世皆仕漢。平帝時。王莽領條於匈奴。謂中國無二名。諷單于改名莽。冀漢易漢。所賜單于金曰。章。單于怨恨。數寇邊。建武以來。匈奴助盧芳。寇漢後。又數與烏桓鮮卑連兵入寇。至是始請和。○西域請都護。不許。遂附於匈奴。先是。莎車王賢。鄯善王安。皆遣使奉獻。賢使再至上。賜賢都護印綬。邊郡守上言。不可假以太權。詔收還。更賜大將軍印。賢恨。猶詐稱大。

都護諸國悉腹屬賢驕橫欲兼并西域諸國懼凡十八國遣子入侍願得漢都護上厚賜遣還其侍子至是復請上復却之○二十四年匈奴南邊小部立日逐王比為南單于款漢塞內附於是分為南北匈奴○二十五年朔人鮮卑烏桓並入朝○二十六年立南單于庭置使匈奴中郎將以領之徙南單于居西河美稷○二十七年北匈奴亦遣使求和親明年又請許之○中元二年上崩上起兵時年二十八即位年三十一第五倫每讀詔書歎曰此聖主也一見決矣手書賜方國下札十行細書成文明慎政體總攬權綱量時度力舉無過事嘗幸南陽置酒會宗室諸母相與語曰文叔平日與人不款曲惟直柔耳乃能如此上聞之笑曰吾理天下亦欲以柔道行之上在兵間久厭武事蜀平後非憂急未嘗言軍旅北匈奴衰因減宮馬

武上書請攻滅之鳴劍抵掌馳志於伊吾之北矣上報書告以黃石公包桑記曰柔能勝剛弱能勝強自是諸將莫敢言兵閉玉門關謝絕西域保全功臣不復任以兵事皆以列侯就第以吏事責三公亦不以功臣任吏事諸將皆以功名自終祭遵先死上念之不已未歿岑彭死鋒鏑邱之甚厚吳漢賈復終於帝世漢在軍或戰不利意氣自若上歎曰吳公差強人意隱若一敵國矣每出師朝受詔夕就道及卒上臨問所欲言漢曰臣愚願陛下慎無赦而已復自起兵時為督上曰賈督有折衝千里之威嘗戰被傷上驚曰吾嘗戒其輕敵果然失吾名將聞其婦有孕生子邪我女嫁之生女邪我子娶之其撫群臣每如此惟馬援死之日恩意頗不終焉援嘗曰大丈夫當以馬革裹屍安能死兒女手交趾反援以伏波將軍討平之武陵蠻反援

又請行帝愍其老援被甲上馬據鞍顧盼以示可用上笑曰矍鑠我
是翁乃遣之先是上督梁松嘗候援拜牀下援自以父友不答松不
平援在交趾嘗遣書戒其兄子曰吾欲汝曹聞人過如聞父母名耳
可開口不可言好議論人長短是非政法不願子孫有此行也龍伯
高敦厚周慎謙約節儉吾愛之重之願汝曹效之杜季良豪俠好義
憂人之憂樂人之樂人喪致客數郡畢至吾愛之重之不願汝曹效
之也効伯高不得猶為謹教之士所謂刻鵠不成尚類鶩也効季良
不得陷為天下輕薄子所謂畫虎不成反類狗也季良者杜保保仇
人上書告保以援書為證保坐免官松坐與保游幾得罪愈恨援至
是援軍至壺頭不利卒軍中松構陷之收新息侯印綬援前在交趾
常餌意欲以輕身勝瘴氣軍還載之下車後有追譖之者以為明珠

文犀上益怒得朱勅上書訟其寃乃稍解上於賊罪無所貸大司徒
歐陽歆嘗犯賊歆所授尚書弟子千餘人守闕求哀竟不免死於獄
所用群臣如宋弘等皆重厚正直上姊湖陽公主嘗寡居意在弘弘
入見主坐屏後上曰諺言富易交貴易妻人情乎弘曰貧賤之交不
可忘糟糠之妻不下堂上顧主曰事不諧矣主有蒼頭殺人匿主家
吏不能得洛陽令董宣候主出行奴駝衆叱下車格殺之主入訴上
大怒曰宣欲挫殺之宣曰縱奴殺人何以治天下臣不須挫請自殺
即以頭叩楹流血被面上令小黃門持之使叩頭謝主宣兩手據地
終不肯上勅強項令出賜錢三十萬當時州牧郡守縣令皆良吏郭
伋守潁川近帝城上勞之曰河潤九里京師蒙福杜詩守南陽郡人
為之語曰前有卓父後有杜母張堪守漁陽人為之語曰桑無附枝

麥德兩岐張堪為政樂不可支劉昆為令江陵有火叩頭向之及風滅火後守弘農虎北渡河上問行何德政而至是昆曰偶然耳上曰長者之言也命書之策尤重高節徵處士周黨至不屈伏而不謁或奏諷之上曰自古明王聖主必有不賓之士賜帛罷之處士嚴光與上嘗同游學物色得之齊國披羊裘釣澤中徵至亦不屈上與光同卧以足加帝腹明日太史奏客星犯御座甚急上曰朕與故人嚴子陵共卧耳拜諫議大夫不肯受去耕釣隱富春山中終漢世多清節士自此始方天下未平上已有志文治首起木學藝式古典修明禮樂晚歲起明堂靈臺辟雍祭然文物可述每且視朝日昃乃罷引公卿郎將講論經理夜分乃寐皇太子衆間諫曰陛下有禹湯之明而失黃老養性之道上曰我自樂此不為疲也在位三十三年身致太

平改元者二曰建武中元壽六十二太子立是為顯宗明皇帝

孝明皇帝初名陽母陰氏光武微時嘗曰仕宦當作執金吾娶妻當得陰濂華後竟得之生陽幼穎悟光武詔州郡檢覈墾田戶口諸郡各遣人奏事見陳留吏牘上有書視之云潁川弘農可問河南南陽不可問光武詰吏由祇言於街上得之光武怒陽年十二在幄後曰吏受郡敕欲以墾田相方耳河南帝城多近臣南陽帝鄉多近親田宅踰制不可為準以詰吏首服光武大奇之郭皇后廢陰貴人立為后陽為皇太子改名莊至是即位○永平二年臨辟雍行養老禮以李躬為三老桓榮為五更三老東面五更南面上親祖割牲執醬而饋執爵而醕禮畢引榮及弟子升堂諸儒執經問難冠帶搢紳之人圍橋門而觀聽者億萬計○三年圖畫中興功臣二十八將於南宮

雲臺應二十八宿鄧禹為首次馬成吳漢王梁賈復陳俊耿弇杜茂
寇恂傅俊岑彭堅鐔馮異王霸朱祐任光祭遵李忠景丹萬脩蓋延
邳彤銑期劉植耿純臧宮馬武劉隆惟馬援以皇后之父不與焉
十一年東平王蒼來朝蒼自上即位初為驃騎將軍五年而歸國至是
入朝上問處家何以為樂蒼曰為善最樂○十七年復置西域都護
戊己校尉初耿秉請伐匈奴謂宜如武帝通西域斷匈奴右臂上從
之以乘輿寶固為都尉屯涼州固使假司馬班超使西域超至鄯善
其王禮之甚備匈奴使來頻踈懈超會吏士三十六人曰不入虎穴
不得虎子奔虜營斬其使及從士三十餘級鄯善下國震怖超告以
威德使勿復與虜通超復使于寘其王亦斬虜使以降於是諸國皆
遣子入侍西域復通至是寶固等擊車師而還以陳睦為都護及以

耿恭為戊校尉關寵為己校尉分屯西域○十八年北匈奴攻戊校
尉耿恭初上即位之明年南單于比死弟莫立上遣使授筆綬北匈
奴寇邊南單于擊卻之漢與北匈奴交使南單于怨欲畔密使人與
交通漢置度遼將軍於五原以防之已而漢伐北匈奴北匈奴亦寇
邊至是攻恭於金蒲城恭以毒藥傳矢語匈奴曰漢家箭神中者有
異虜視劍皆涕大驚恭乘暴風雨擊之殺傷甚衆匈奴震怖曰漢兵
神真可畏也乃解去○上崩在位十八年改元者一曰永平壽四十
八上性愒察好以耳目隱發為明公卿大臣數被祗毀近臣尚書以
下至見提曳嘗怒即藥恭以杖撞之恭走入床下上怒甚疾言曰即
出郎出恭曰天子穆穆諸侯皇皇未聞人君自起撞郎乃赦之上遵
奉建武制度無更變后妃家不得封侯預政館陶公主為子求郎上

日郎官上應列宿出宰百里苟非其人民受其殃不許當時吏得其人民樂其業遠近畏服戶口滋殖焉太子立是為肅宗孝章皇帝
孝章皇帝名烜母賈氏馬皇后養之立為太子至是即位○西域攻沒都護北匈奴圍已校尉又圍耿恭詔遣兵罷都護及戊己校尉官惟班超上疏請兵欲遂平西域上知功可成從之○北匈奴五十八部來降時北匈奴衰耗黨衆離畔南部攻其前丁零寇其後鮮卑擊其左西域攻其右不復自立乃遠引而去鮮卑擊斬北單于故部衆有來降者○上崩在位十三年改元者三曰建初元和章和壽三十
一上繼明帝察察之後知人厭苛切事從寬厚文之以禮樂嘗議貢舉法韋彪議曰國以簡賢為務賢以孝行為首求忠臣必於孝子之門上然之○江毛義以行義稱張奉侯之府檄適至以義守安陽令

義捧檄入喜動顏色奉心賤之後義母死徵辟皆不至奉乃歎曰往日之喜為親屈也上下詔褒寵之州郡得人如廉范在蜀郡死禁以便民民歌之曰廉叔度來何暮不禁火民安作昔無襦今五袴當時皆以平徭簡賦忠怒長者為政終上之世民賴其慶太子立是為孝和皇帝

孝和皇帝名肇母梁氏竇皇后子之年十歲即位竇后臨朝竇憲以外戚侍中用事有罪求出擊北匈奴以自贖后從之大破匈奴登燕然山刻石勒功而還入為大將軍四年父子兄弟並為卿校充滿朝廷有逆謀上知之遂與宦者鄭眾定議勒兵收憲印綬迫令自殺以眾為大長秋常與議政宦官用權自此始○先是漢兵擊北單于走死漢立其弟後叛追斬滅之鮮卑徙據北匈奴地自此漸盛○徵班超還京師

卒趙起自書生投筆有封侯萬里外之志有相者謂曰生燕頰虎頭
 飛而食肉萬里侯相也自假司馬入西域章帝時為西域將兵長史
 至上以趙為西域都護騎都尉平定諸國在西域三十年以功封定
 遠侯至是以年老乞歸願生入玉門關上許之任尚代為都護請教
 趙曰君性嚴急水清無大魚宜蕩佚簡易尚私謂人曰我以班君當
 有奇策今所言平卒耳尚後果失遠和如趙言○上在位十八年崩
 改元者二曰永元元興太子立是為孝殤皇帝
 孝殤皇帝名隆生百餘日即位改元延平在位八閱月而崩時皇太
 后鄧氏臨朝與鄧騭定策立嗣是為孝安皇帝
 孝安皇帝名祐清河王慶之子章帝孫也未冠迎即位鄧后仍臨朝
 鄧騭為大將軍時邊軍多事鄧騭欲棄涼州并力北邊郎中虞詡以

為不可曰關西出將關東出相烈士武夫多出涼州眾皆從詡議為
 惡詡欲陷之會朝歌賊攻殺長吏州郡不能禁以詡為朝歌長故舊
 皆吊之詡曰不遇盤根錯節無以別利器及到官募壯士攻劫者為
 上傷人偷盜者次之收得百餘人使入賊中誘令劫掠伏兵殺數百
 人又潛遣貪人能縫者備作賊衣以絲線縫其裾有出市里者輒禽
 之賊駭散縣境皆平太后知詡有將帥之畧以為武都太守叛羌數
 千遮詡詡停不進宣言請兵須到乃發羌聞之分鈔傍縣詡因其散
 日夜進道令軍士各作兩竈日增倍之或曰孫臏滅竈而君增之兵
 法日行不過三十里而今日且二百里何也詡曰虜眾多吾兵少徐
 行易為所及速進則彼不測虜見吾竈日增謂郡兵來迎眾多行速
 必憚追我孫臏見弱吾今示強勢不同也既到郡兵三千而羌萬餘

攻圍赤亭數十日。詔命強弩勿發，潛發小弩，羗謂力弱不能至，并兵急攻。於是使二十強弩共射一人，發無不中。羗大驚，謂因出城奮擊。明日悉陳其兵，令從東郭門出，北郭門入，貿易衣服，回轉數周，羗不知其數，相恐動。謝潛於淺水設伏，候其走路，羗果大奔，因掩擊，大破之。賊由是敗散。

○太后崩，鄧騭罷自殺。○汝南太守王龔好才愛士，以素闇為功曹，引進黃憲、陳蕃等。憲父為牛醫，憲年十四，潁川荀淑遇於逆旅，竦然異之，曰：「子吾之師表也。」見龔，曰：「子國有顏子，閔曰：『見吾叔度，邪？』」陳蕃等相謂曰：「時月之間，不見黃生，鄙吝之萌，復存乎心矣。」太原郭泰過閔，不宿，從憲累日，曰：「奉高之器，譬之沈澁，雖清而易挹，叔度汪汪，若千頃波澄，之不清，抗之不濁，不可量也。」憲初舉孝廉，又辟

公府人勸其仕，暫到京師，即還。年四十八而終。○大尉楊震自殺，震關西人，時人稱之曰：「關西孔子。」楊伯起教授生徒，堂下得三鱣，都講以為有三公之象，取以進，曰：「先生自此升矣。」後嘗為郡守，屬邑令有懷金遺之者，曰：「暮夜無知者。」震曰：「天知地知，子知我知，何謂無知？令慚而退。」及為三公，時宦者及上乳母王聖用事，皆有請託，震不從，又數以近習為言，共構之，策收印綬，遂死。葬之日，名士皆未會，有大鳥高丈餘，至墓前俯仰流涕而去。○上少號聰明，既即位，多失德，在位十九年崩，改元者五。曰：永初、元初、永寧、建光、延光。太子先為近習所譖，坐廢為濟陰王。閻皇后迎立濟陰王，是為孝順皇帝。者孫程等誅顯，遷閻后，迎立濟陰王，是為孝順皇帝。

孝順皇帝名保，為孫程等所立。宦官以功封侯者十九人。○尚書令

左雄奏令郡國舉孝廉限年四十以上諸生通章句文吏能牋奏乃得應選其有茂材異等若顏淵子奇不拘年齒雄公直精明能審覈真偽決志行之有舉少年至者雄詰之曰顏回聞一知十孝廉聞一知幾邪項之中外坐譴舉黜免者十餘人惟汝南陳蕃潁川李膺下邳陳球等三十餘人得拜郎中○以皇后父梁商為大將軍商死以其子冀為大將軍不疑為河南尹遣使者八人分行州郡張綱獨埋其車輪於洛陽都亭曰豺狼當道安問狐狸劾奏冀不疑無君之心十五事上知綱言直而不能冀欲中傷之廣陵賊張嬰寇亂揚徐間十餘年乃以綱為廣陵太守綱單車徑詣嬰壘門請與相見譬曉之嬰等萬餘人降綱入壘宴散遣任所之南州晏然在郡卒嬰等為之制服行喪時二千石長吏有能政者冀州刺史蘇章有故人為清

河太守章行部為設酒甚歡守喜曰人皆有一天我獨有二天章曰今日蘇孺文與故人飲者私恩也明日冀州刺史案事者公法也遂舉正其姦賊之罪○上在位二十年崩改元者五曰永建陽嘉永和漢安建康太子立是為孝冲皇帝
孝冲皇帝名炳年二歲即位三閱月而崩改元者一曰永嘉梁太后迎立渤海孝王之子是為孝質皇帝
孝質皇帝名續章帝曾孫也年八歲即位少而聰慧嘗因朝會目梁冀曰此跋扈將軍也冀深惡之使左右於餅中進毒遂崩在位一年有半改元者一曰本初冀迎立蠡吾侯是為孝桓皇帝
孝桓皇帝名志章帝曾孫也年十五即位梁冀以定策功益封又封其子弟皆侯李固杜喬欲立清河王蒜至是蒜貶為侯自殺固喬下

獄死○前朗陵侯相潁川荀淑少博學有高行李固李膺等皆師宗之相朗陵治稱神君子八人時人稱為八龍其六曰爽字慈明人言荀氏八龍慈明無雙縣令命其里曰高陽里爽嘗謁李膺因為之御既還喜曰今日乃得御李君矣同郡陳寔與淑齊名嘗詣淑長子紀字元方御車次子諶字季方駉乘孫群字長文尚幼抱車中至淑家八龍更迭侍左右淑孫或字文若尚幼抱置膝上太史奏德星見五百里內有賢人聚寔嘗為大壯長修德清淨吏民追思之紀諶之子問其父優劣於其祖寔曰元方難為兄季方難為弟○詔舉獨行之士涿郡崔寔至公車不對策退而著政論畧曰聖人能與世推移俗士苦不知變以為結繩之約可復治亂秦之緒干羽之舞可以解平城之圍夫刑罰者治亂之藥石也德教者興平之梁肉也以德教除

殘是以梁肉治疾也以刑罰治平是以藥石供養也自數世以來政多恩貸取委其轡馬駱其銜四牡橫肆皇路險傾方將相勒鞅輶以救之豈暇鳴和鑿清節奏哉昔文帝雖除肉刑當斬右趾棄市笞者往往至死是文帝以嚴致平非以寬致平也仲長統見其書曰凡為人主宜為一通置之坐側○朱穆為冀州刺史令長望風解印去者數十人及到秦劾貪汚有宦者歸葬父用玉匣穆業驗剖其棺出之上聞大怒徵穆詣廷尉太學生劉陶等數十人上書訟穆謂中官竊持國柄手握王爵口銜天憲穆獨亢然不顧竭心懷憂為上深計臣願代穆罪上赦之陶又上疏乞以穆及李膺輔王室書奏不省○梁冀凶恣日積以外戚用事者二十年威行內外天子拱手而已上與宦者卓超等謀勒兵收冀印綬冀自殺梁氏無少長皆棄市超等五

人皆侯自冀誅天下想望異政黃瑀首為太尉○陳蕃薦處士徐穉
 姜肱等穉字孺子豫章人陳蕃為守時特設一榻以待穉去則縣之
 穉不應諸公之辟然聞其死輒負笈赴吊豫災一雞以酒漬綿暴乾
 覆之到家隨外以水漬綿白茹藉飯以雞置前祭畢留謁不見穉主
 而行肱彭城人與二弟仲海季江俱孝友常共被嘗遇盜兄弟爭死
 盜兩釋之穉肱被徵皆不至黃瑀卒四方名士會葬者七千人穉至
 進爵哀哭置生芻墓前而去諸名士曰此必南州高士徐孺子也使
 陳留茹容追之問國事不荅太原郭泰曰孺子不荅國事是其愚不
 可及也泰初游洛陽李膺與為友膺嘗歸鄉里送車數千兩膺惟與
 泰同舟而濟衆賓望之者如神仙焉容年四十餘畊於野遇兩樹下
 衆皆箕踞容獨危坐愈恭泰見而異之遂勸令學鉅鹿孟敏荷甕隨

地不顧而去泰見問之曰甕已破矣視之何益泰亦勸令學自餘因
 泰樂進成名者甚衆泰舉有道不就曰吾夜觀乾像晝察人事天之
 所廢不可支也陳留仇香名覽年四十為蒲亭長民有陳元母告元
 不孝香親到其家為陳人倫感悟卒為孝子考城令王真署香為主
 簿謂曰陳元不罰而化之得無少鷹鷂之志邪香曰以為鷹鷂不若
 鸞鳳矣曰荆棘非鸞鳳所栖百里非大賢之路乃資香入太學常自
 守泰就房見之起拜床下曰君泰之師也不應徵辟而卒○自黃瑀
 以來三公如楊秉劉寵皆人望寵嘗守會稽郡大治被徵有五老
 叟自山谷間出人贖百錢送之曰明府下車以來狗不夜吠民不見
 吏今聞當見棄去故自扶奉送寵曰吾政何能及公言邪勤苦父老
 為人選一木錢受之後入為司空秉立朝正直為河南尹時嘗以忤

宦官得罪後為大尉以卒陳蕃繼秉為太尉數言李膺以為司隸校尉宦官畏之皆鞠躬屏氣不敢出宮省時朝廷網紀頽弛膺獨持風裁以聲名自尚士有被其容接者名為登龍門云○以劉寬為尚書令寬嘗歷典三郡多仁恕吏民有過以蒲鞭罰之○初生為侯時受學於甘陵周福及即位擢為尚書時同郡房植有名鄉人謠曰天下規矩房伯武因師獲印周仲進一家賓客互相譏揣成隙由是有甘陵南北部黨人之議始此汝南太守宗資以范滂為功曹南陽太守成瑨以岑晫為功曹皆懷善糾違滂尤剛勁疾惡如讐二郡謠曰汝南太守范孟博南陽宗資主畫諾南陽太守岑公孝弘農成瑨但坐嘯太學諸生三萬餘人郭泰賈彪為之冠與陳蕃李膺更相推重學中語曰天下模楷李元禮不畏強禦陳仲舉於是中外承風競以臧

否相尚會成瑨與太原守劉瓚於赦後案殺宦官之黨徵下獄將乘市山陽守翟超以張儉為督郵破宦官踰制廢宅東海相黃浮亦收宦官家屬犯法者殺之宦官誅究皆得罪蕃屢爭之上不聽宦官教人上書告李膺養太學遊士共為部黨誹訕朝廷疑亂風俗上震怒下郡國逮捕黨人案經三府蕃卻不肯署上愈怒下膺等北寺獄辭連杜密陳寔范滂等二百餘人使者追捕四出蕃又極諫上策免之朝廷震慄莫敢復為黨人言者賈彪曰吾不西行大難不解乃入洛陽說皇后父竇武上疏解之膺等獄辭又多引宦官子弟宦官乃懼自上赦黨人二百餘人皆歸田里書名三府禁錮終身上在位二十一年改元者七曰建和和平元嘉永興永壽延熹永康崩竇皇后迎立解瀆亭侯是為孝靈皇帝

孝靈皇帝名宏章帝玄孫也年十二即位竇太后臨朝竇武為大將軍陳蕃為太傅徵天下名賢李膺杜密等皆列于朝天下想望太平蕃武共議以宦官操弄國柄濁亂海內奏誅曹節王甫等謀泄宦者夜召所親軟血共盟請帝御前殿作詔板拜王甫黃門令使其黨持節收武等誣以大逆先執陳蕃殺之武自殺梟首都亭遷太后於南宮李膺初雖廢錮士大夫皆高其道而污穢朝廷更相標榜為稱號以竇武陳蕃劉淑為三君言一世之所宗也李膺荀昱杜密王暢劉祐魏朗趙典朱寓為八俊言人英也郭泰范滂尹勳巴肅宗慈夏馥蔡衍羊陟為八顧言能以德行引人也張儉程璜岑暉康劭表陳翔孔昱檀敷為八及言能導人追宗也度尚張邈王孝劉儒胡毋班秦周蕃喬王章為八厨言能以利救人也及陳蕃竇武用事復舉故

膺等陳竇死膺等復廢錮曹節諷有司奏諸鈞黨膺詣詔獄考死滂就捕母與訣曰汝今得與李杜齊名死亦何憾滂跪受教再拜而辭顧其子曰使汝為惡惡不可為使汝為善我不為惡聞者為之流涕黨人死者百人其死徒廢錮者又六七百人郭泰私痛曰詩云人之云亡邦國殄瘁漢室滅矣但未知贖鳥爰止于誰之屋耳泰雖好臧否而不為危言覈論故屢濁世而禍不及焉○詔諸儒正五經文字命蔡邕為古文篆隸三體書之刻石立太學門外○上好文學引諸生能文賦者並待制鴻都門下置立太學諸生皆斗筭小人君子耻之○開西邸賣官各有賈崔烈以五百萬得司徒問其子以外議何如子曰人嫌其銅臭耳○鉅鹿張角以妖術教授號太平道符水療病遣弟子遊四方轉相誑誘十餘年間徒眾數十萬置三十六方大

方萬餘小方六七千各立渠帥一時俱起皆著黃巾所在燔劫旬月之間天下響應遺皇甫嵩等討黃巾嵩與沛國曹操合軍破賊操父嵩為宦者曹騰養子或云夏侯氏子也操少機警有權數任俠放蕩不治行業汝南許劭與從兄靖有高名共叢論鄉黨人物每月輟更其題品故汝南俗有月旦評操往問劭曰我何如人劭不答却之乃曰子治世之能臣亂世之姦雄操喜而去至是以討賊起○皇甫嵩討張角角死嵩與其弟戰破斬之○上崩在位二十二年改元者四曰建寧熹平光和中平子雜立何太后臨朝后兄大將軍何進錄尚書事袁紹勸進誅宦官太后未肯紹等畫策召四方猛將引兵向京以脅太后遂召將軍董卓之兵卓未至進為宦官所殺紹勸兵捕諸宦官無少長皆殺之凡二千餘人有無鬚而誤死者卓至問亂由辨

年十四語不可了陳留王答無遺卓欲廢立紹不可卓怒紹出奔卓遂廢陳留王立是為孝獻皇帝

孝獻皇帝名協九歲為董卓所立關東州郡起兵討卓推袁紹為盟主卓燒洛陽宮廟遷都長安長沙太守富春孫堅起兵討卓至南陽眾數萬與袁術合兵術與紹同祖皆故大尉袁安之玄孫也袁氏四世五公富貴異於他公族紹壯健有威容愛士士輻湊術亦俠氣至是皆起堅擊敗卓兵術遣堅圖荊州為劉表將黃祖步兵所射死○司徒王允等密謀誅卓中郎將呂布膂力過人卓信愛之嘗小失卓意卓手執擲布布避得免允結布為內應卓入朝伏勇士於北掖門刺之卓墜車大呼呂布曰有詔討賊臣應聲持矛刺卓趣斬之先是卓築塢于郿積穀為三十年儲金銀綺錦奇玩積如山自云事

成據天下不成守此以老至是暴屍於市卓素肥吏為大炷置臍中
 然之光遠曙者數日卓黨舉兵犯關殺王允呂布走○涿郡劉備字
 玄德其先出於景帝中山靖王勝之後也有大志少語言喜怒不形
 於色河東關羽涿郡張飛與備相善備起二人從之○孫堅之子策
 與弟權留富春遷于舒堅死策年十七往見素術得其父餘兵策十
 餘歲時已交結知名舒人周瑜與策同年亦英達夙成至是從策起
 策東渡江轉關所向無敢當其鋒者百姓聞孫郎至皆失魂魄所至
 一無所犯民皆大悅○初曹操自討卓時戰于滎陽還屯河內尋領
 東郡太守治東武陽已而入兗州操之自領刺史遣使上書以為兗
 州牧上還洛陽操入朝遷上於許○操擊殺呂布初布自關中出奔
 素術又歸素紹已而又去為操所攻走歸劉備尋又襲備據下邳備

走歸操操遣備屯沛布使陳登見操求為徐州牧不得登還謂布曰
 登見曹公言養將軍如養虎當飽其肉不飽則噬人公曰不然譬如
 養鷹鷄則附人飽則颺去布復攻備備走復歸操○操布至下邳布
 屢戰皆敗困迫降操縛之曰縛虎不得木急平猛殺之備從操還許○素術
 初據南陽已而據壽春以讖言代漢者當塗高自云名字應之遂稱
 帝淫侈甚既而資實空虛不能自立欲奔素紹操遣劉備邀之術走
 還歐血死○孫策既定江東欲襲許未發故所殺吳郡守許貢之奴
 因其出獵伏而射之創甚呼弟權代領其來曰擊江東之衆決機於
 兩陣之間與天下爭衡卿不如我任賢使能各盡其心以保江東我
 不如卿卒年二十六○素紹據冀州簡精兵十萬騎一萬欲攻許沮
 授諫曰曹操奉天子以令天下今舉兵南向於義則違竊為公懼之

紹不聽操與紹相拒於官渡。操破紹，輜重紹軍大潰，斬敵血死。○
車騎將軍董承稱受密詔，與劉備誅曹操。一日從容謂備曰：「今天下
英雄唯使君與操耳。備方食，失匕筋，值雷震，說曰：『聖人云：迅雷風烈
必變，良有以也。』」備既被遣，遂來術。因之徐州起兵討操，操擊之，備先
奔冀州，領兵至汝南，自汝南奔荊州。歸劉表，嘗於表坐起，至廁還，既
然流涕，表怪問之，備曰：「常時身不離鞍，解肉皆消，今不復騎，解裏肉，
生日月如流，老將至功業不建，是以悲耳。」瑯琊諸葛亮寓居襄陽，隆
中每自比管仲、樂毅，備訪士於司馬徽，徽曰：「識時務者在俊傑，此間
自有伏龍鳳雛，諸葛孔明，龐士元也。」徐庶亦謂備曰：「諸葛孔明，臥龍
也，備三往乃得見。亮問策，亮曰：『操擁百萬之衆，挾天子，令諸侯，此誠
不可與爭鋒。孫權據有江東，國險而民附，可與為援而不可圖。荊州

用武之國，益州險塞，沃野千里，天府之土，若跨有荆益，保其巖阻，天
下有變，荊州之軍向宛洛，益州之衆出秦川，孰不箪食壺漿以迎將
軍乎？備曰：「善。」與亮情好日密。亮曰：「孤之有孔明，猶魚之有水也。」士元名
統，龐德公從子也。德公素有重名，亮每至其家，獨拜床下。○曹操擊
劉表，表卒子琮舉荊州降操。劉備奔江陵，操追之，備走夏口。操進軍
江陵，遂東下。亮謂備曰：「請求救於孫將軍，亮見權說之，權大悅。操遣
權書曰：『今治水軍八十萬衆，與將軍會獵於吳。』權以示部下，莫不失
色。張昭請迎之，魯肅以為不可，勸權召周瑜。瑜至曰：『請得數萬精兵，
進往夏口，保為將軍破之。』權拔刀斫前奏案曰：『諸將吏敢言迎操者，
與此案同。』遂以瑜督三萬人與備并力，逆操進，遇於赤壁。瑜部將黃
蓋曰：「操軍方進，船艦首尾相接，可燒而走也。」乃取蒙衝鬪艦十艘，載

燥荻枯柴灌油其中。裒惟慢上建旌旗。豫備走舸繫於其尾。先以書遺操。詐為欲降。時東南風急。蓋以十艘最著前。中江舉帆。餘船以次俱進。操軍皆指言蓋降。去二里餘。同時發火。火烈風猛。船往如箭。燒盡北船。烟焰漲天。人馬溺燒死者甚衆。瑜等率輕銳。鼙鼓大進。北軍大壞。操走。還後屢加兵於權。不得志。操歎息曰。生子當如孫仲謀。內者劉景昇兒子。豚犬耳。○劉備狗荆州。江南諸郡。周瑜上疏於權曰。備有梟雄之姿。而有關羽張飛熊虎之將。聚此三人在疆場。恐蛟龍得雲雨。終非池中物也。宜徙備置吳。權不從。瑜方議圖北方。會病卒。魯肅代領其兵。肅勸權以荆州借劉備。權從之。權將呂蒙初不學。權勸蒙讀書。魯肅後與蒙論議。大驚曰。卿非復吳下阿蒙。蒙曰。士別三日。即當刮目相待。○劉備初用龐統為未陽令。不洽。魯肅遺備書曰。

士元非百里才。使為治中。別駕乃得展其驥足耳。備用之。勸取益州。備留關羽守荆州。引兵泝流。自己入蜀。襲劉璋。入成都。備既得益州。孫權使人從備求荆州。備不肯還。遂爭之。已而分荆州。備自蜀取漢中。自立為漢中王。漢中將關羽自江陵出。攻樊城。取襄陽。自許以南。往往遙應。羽威震華夏。曹操至。議徙許都。以避其鋒。司馬懿曰。備權外親。內疎。關羽得志。權必不願也。可遣人勸權躡其後。許割江南。以封權。操從之。時魯肅已死。呂蒙代之。亦勸權圖羽。操師救樊。權將陸遜又襲羽。後羽狼狽走。還權軍。獲羽。斬之。遂定荆州。○初曹操自兗州收。入為丞相。領冀州。收封魏公。作銅雀臺於鄴。已而進爵為王。用天子車服。出入警蹕。以子丕為王太子。操卒。丕立。自為丞相。冀州收魏群臣言。魏當代漢。丕遂迫帝禪位。以帝為山陽公。帝在位。改元者三。

曰初平興平建安元年至二十五年則皆曹操為政時也共三十一年
年禪位又十四年而卒漢自高祖元年為王五年為帝至是二十四
世四百二十六年

三國漢

附魏吳二僭國

按曾氏云天下非一統者本可各自一國編集又恐初學讀者
迷其時代之先後今但以一國源流相接者為提頭而附同時
之國於其間而曾氏仍陳壽之舊以魏稱帝而附漢吳則既遵
朱子綱目義例而改正少微通鑑矣今復正此書以漢接統
云

昭烈皇帝諱備字玄德漢景帝子中山靖王勝之後有大志少言語

喜怒不形身長七尺五寸垂手下膝顧自見其耳○蜀中傳言曹丕
篡立帝已遇害於是漢中王發喪制服謚曰孝愍皇帝夏四月即帝
位於武擔之南大赦改元章武○以諸葛亮為丞相許靖為司徒○
立宗廟祫祭高皇帝以下○立夫人吳氏為皇后子禪為皇太子○
魏主丕姓曹氏沛國譙人也父操為魏王丕嗣位首立九品官人之
法州郡皆置九品中正區別人物第其高下丕既篡漢自立為帝追
尊操為太祖武皇帝改元黃初○帝耻關羽之沒自將伐孫權權求
和不許權遣使於魏魏封權為吳王魏主問吳使趙咨曰吳主頗知
學乎咨曰吳王任賢使能志存經畧雖有餘閑博覽書史不效書生
尋章摘句魏主曰吳難魏乎咨曰帶甲百萬江漢為池何難之有曰
吳如大夫者幾人咨曰聰明特達者八九十人如臣之比車載斗量

不可勝數。○帝自巫峡至夷陵立數十屯與吳軍相拒累月吳將陸遜連破其四十餘營帝夜遁。○魏主責吳侍子不至怒伐之吳王改元黃武臨江拒守。○三年夏四月帝崩在位三年改元者一曰章武。蓋曰昭烈皇帝太子禪即位封亮為武鄉侯太子既立是為後皇帝。後皇帝名禪字公嗣昭烈皇帝子也年十七即位改元建興丞相諸葛亮受遺詔輔政昭烈臨終謂亮曰君才十倍曹丕必能安國家終定大事嗣子可輔輔之如其不可君可自取亮涕泣曰臣敢不竭股肱之力效忠貞之節繼之以死亮乃約官職修法制下教曰夫參署者集眾思廣忠益也若遠小嫌難相違覆廣闕損矣亮乃遣鄧芝使吳修好芝見吳王曰蜀有重險之固吳有三江之阻共為唇齒進可兼奔天下退可鼎足而立吳遂絕魏專與漢和。○魏主以舟師擊吳

吳列艦于江江水盛長魏主臨望歎曰我雖有武夫千群無所施也於是還師。○南夷畔漢丞相亮往平之有孟獲者素為夷漢所服亮生致獲使觀營陣縱使更戰七縱七擒猶遣獲獲不去曰公天威也南人不復反矣。○魏主又以舟師臨吳見波濤洶湧歎曰嗟乎固天所以限南北也。○魏主丕殂僭位七年改元者一曰黃初蓋曰文皇帝子叡立是為明帝叡母被誅丕嘗與叡出獵見子母庶既射其母使叡射其子叡泣曰陛下已殺其母臣不忍殺其子丕惻然及是為嗣即位。○虜士管寧字幼安自東漢末避地遼東三十七年魏徵之乃浮海西歸拜官不受。○漢丞相亮率諸軍北伐魏臨發上疏曰今天下三分益州疲弊此危急存亡之秋也宜開張聖聽不宜塞忠諫之路宮中府中俱為一體陟罰臧否不宜異同若有作姦犯科及忠善者

宜付有司論其刑賞以昭平明之治親賢臣遠小人此先漢所以興隆也親小人遠賢臣此後漢所以傾頽也臣本布衣躬耕南陽苟全性命於亂世不求聞達於諸侯先帝不以臣卑鄙猥自枉屈三顧臣於草廬之中諮臣以當世之事由是感激許先帝以驅馳先帝知臣謹慎臨崩寄以大事受命以來夙夜憂懼恐付託不效以傷先帝之明故五月渡瀘深入不毛今南方已定兵甲已足當獎率三軍北定中原興復漢室還于舊都此臣所以報先帝而忠陛下之職分也遂屯漢中○明年率大軍攻祁山戎陣整齊魏令明肅始魏以昭烈既崩教歲寂然無聞畧無所備猝聞亮出朝野恐懼於是天水安定等郡皆應亮關中響震魏主如長安遣張郃拒之亮使馬謖督諸軍戰于街亭謖違亮節度郃大破之亮乃還漢中已而復言於漢帝曰漢

賊不兩立王業不偏安臣鞠躬盡力死而後已至於成敗利鈍非臣所能逆觀也引兵出散關圍陳倉不克○吳王孫權自稱皇帝於武昌追尊父暨為武烈皇帝兄策為長沙桓主已而遷都建業○蜀漢丞相亮又伐魏圍祁山魏遣司馬懿督諸軍拒亮懿不肯戰賈詡等曰公畏蜀如虎奈天下笑何懿乃使張郃向亮亮逆戰魏兵大敗亮以糧盡退軍郃追之與亮戰中伏弩而死亮還勸農講武作木牛流馬治邸閣息民休士三年而後用之悉衆十萬又由斜谷口伐魏進軍渭南魏大將軍司馬懿引兵拒守亮以前者數出皆運糧不繼使已志不伸乃分兵屯田耕者雜於渭濱居民之間而百姓安堵軍無私焉亮數挑懿懿不出乃遣以巾幗婦人之服亮使者至懿軍懿問其寢食及事煩簡而不及戎事使者曰諸葛公夙興夜寐罰二十

以上皆親覽所取食不至數升懿告人曰食少事煩其能久乎亮病篤有大星赤而芒墜亮營中未幾亮卒長史楊儀整軍還百姓奔告懿追之姜維令儀反旗鳴鼓若將向懿不敢逼百姓為之謔曰死諸葛走生仲達懿笑曰吾能料生不能料死亮嘗推演兵法作八陣圖至是懿案行其營壘歎曰天下奇材也亮為政無私馬謖素為亮所知及敗軍流涕斬之而卹其後李平廖立皆為亮所廢及聞亮之喪皆歎息流涕卒至發病死史稱亮開誠心布公道刑政雖峻而無怨者真識治之良材而謂其材長於治國將畧非所長則非也初丞相亮嘗表於帝曰臣成都有桑八百株薄田十五頃子弟衣食自有餘不別治生以長尺寸臣死之日不使內有餘帛外有贏財以負陛下至是卒如其言謚忠武○魏主性好土功先是既治許昌宮後又

作洛陽宮徙長安鐘虜橐駝銅人承露盤於洛陽盤折聲聞數十里銅人重不可致乃大發銅鑄銅人二列坐於司馬門外號曰翁仲起土山於芳林園植雜木善草捕禽獸致其中諫者皆不納○魏主有疾召司馬懿入朝以曹爽為大將軍魏主歿遜位十四年改元者三曰太和青龍景初子芳立是為廢帝邨陵厲公芳八歲即位司馬懿曹爽受遺詔輔政懿為太傅○漢自丞相亮既亡蔣琬為政楊敏毀琬曰作事憤不及前人或請推治敏琬曰吾實不如前人無可推琬卒費禕董允為政公亮盡忠允卒姜維與費禕並為政○魏曹爽驕奢無度司馬懿殺之懿為魏丞相加九錫不受爽之黨夏侯霸奔蜀姜維問之曰懿得政復有征伐志否霸曰彼管立家門未遑外事有鍾士季者雖少若管朝政吳蜀之憂也○魏司馬懿卒以其子

師為撫軍大將軍錄尚書事○吳王昶諡曰太皇帝子亮立○漢費
 禕汎愛不疑降人刺殺之姜維用事數出兵攻魏○魏李豐數為魏
 主所召司馬師知其議已殺之魏主不平左右勸誅師魏主不敢發
 師廢魏主僭位十六年改元者二曰正始嘉平師迎立高貴鄉公是
 為廢帝名髦文帝之孫明帝之姪年十四即位○揚州都督母共儉
 刺史文欽起兵討司馬師擊敗之師卒弟昭為大將軍錄尚書事
 已而為大都督假黃鉞揚州都督諸葛誕起兵討昭昭攻殺之昭為
 相國封晉公加九錫不受○吳王亮親政數出中書視大帝時舊事
 嘗食生梅索蜜蜜中有鼠矢古藏吏問曰黃門從爾求蜜邪吏曰向
 求不敢與黃門不服今被鼠矢矢中燥因大笑曰若矢先在蜜中中
 外俱濕今外濕內燥必黃門所為也詰之果服左右驚慄大將軍孫

繼以其多所難問稱疾不朝以兵圍宮廢亮為會稽王迎立鄧粲王
 休休立以繼為丞相繼又無禮於新君遂被誅○魏主髦見威權日
 去不勝其忿曰司馬昭之心路人所知也率殿中宿衛蒼頭官僮鼓
 譟出欲誅昭昭之黨費亮入與魏主戰成濟抽戈刺魏主髦殞于車
 下追廢為庶人僭位七年改元者二曰正元甘露司馬昭迎立常道鄉公
 魏元皇帝常道鄉公元皇帝初名璜燕王守之子孫之孫也年十五即位改名奐○
 漢姜維屢伐魏司馬昭患之遣郃艾鍾會將兵入寇會從斜谷駱谷
 子午谷趨漢中艾自狄道趨甘松沓中以綴姜維維聞會已入漢中
 引兵從沓中還艾追躡之大戰維敗走還守劍閣以拒會艾進至陰
 平行無入之地七百里鑿山通道造作橋閣山高谷深艾以糧自襄
 推轉而下將士皆攀木緣崖魚貫而進至江油以書誘漢將諸葛瞻

瞻軼其使列陣綿竹以待敗績漢將軍諸葛瞻死之瞻子尚曰父子
荷國重恩不早斬黃皓使敗國殄民用生何為策馬冒陳而死○漢
人不意魏兵卒至不為城守乃遣使奉箋請艾降皇子北地王謀
怒曰若理窮力屈禍敗將及使當父子君臣背城一戰同死枉援以
見先帝可也奈何降乎帝不聽謀哭於昭烈之廟先殺妻子而後自
殺艾至成都帝出降魏封為安樂公帝在位四十一年改元者四曰
建興延熹景耀炎興石自高帝元年乙未至後帝禪炎興癸未凡二
十六帝通四百六十九年而漢亡○吳主休歿謚曰景皇帝兄子烏程
侯皓立○魏司馬昭先是已受九錫已而進爵為晉王昭卒于炎嗣
魏主負僭位六年改元二曰景元咸熙炎道魏主禪位封為陳留王
後卒晉人謚之曰元○魏自曹丕至是凡五世四十六年而亡○自

漢亡後又歷甲申開正統一年

西晉

西晉世祖武皇帝姓司馬名炎河內人昭之子懿之孫也昭為晉王
議立世子議者以炎長立委地手垂過膝非人臣之相遂立己而嗣
為王即帝位追尊懿為宣皇帝師為景皇帝昭為文皇帝大封宗室
晉有滅吳之志以羊祜都督荊州事吳以陸抗都督諸軍祜與抗對
境使命常通抗遺祜酒祜飲之不疑抗疾祜與之成藥抗即服之曰
豈有死人羊叔子哉祜務修德政以懷吳人每交兵刻日方戰不掩
熊抗亦告其邊戍各保分界而已母求細利時吳主皓不修德政而
欲兼并使術士筮取天下對曰庚子歲青蓋當入洛陽蓋謂銜璧之
事而皓不悟用諸將謀數侵盜晉邊抗諫不聽抗卒祜請伐吳議者

多不同。祜歎曰：天下不如意事十常七八。惟杜預、張華贊其計，祜病求入朝，面陳晉帝，欲使祜卧護諸將。祜曰：取吳不必臣行，但平吳之後，當勞聖慮耳。祜卒，以杜預為鎮南大將軍，督荊州軍事。吳主皓深虐日甚，預表請速征之。表至，張華適與帝集，即推枰歛手，贊其決帝許之。山濤告人曰：自非聖人，外寧必有內憂。釋吳為外懼，豈非算乎？時濤為東部尚書，濤昔在魏晉之間，與嵇康阮籍、兄子咸、弟秀、王戎、劉伶相友。阮竹林七賢皆崇尚老莊虛無之學，輕蔑禮法，縱酒昏酣，遺落世事。士大夫皆慕效之，謂之放達。惟濤仍留意世事，至是典選甄拔人物，各為題自，而奏之時，人稱之為山公啓事。○晉大舉伐吳，杜預出江陵，王潛下巴蜀吳人於江，積要害處，並以鐵鎖橫江，截之又作鐵錐，長丈餘，暗置江中，逆拒舟艦。潛作大筏，令善水者以筏先

行，遇錐輒著筏而去。又作大炬，灌以麻油，遇鎖燒之，須臾融液斷絕。於是船無所礙，遂先克上流諸郡。預遣人率奇兵夜渡吳將懼曰：北來諸軍乃飛渡江也。預分兵與潛合攻武昌，降之。預謂兵威已振，譬如破竹，數節之後，迎刃而解，無復著手處也。遂指授群帥方略，徑造建業，潛戎卒八萬，方舟百里，舉帆直指。建業鼓譟入石頭城，吳主皓面縛輿輦，降封歸命侯。遂符庚子入洛之讖。自大帝至是，四世稱帝者凡五十二年而亡。遯孫業定江東以來，通八十餘年。晉代魏十有六年，至太康元年而滅。吳又十年，帝崩，帝初即位，嘗焚雉頭裘於太極殿前，以示儉。既而侈縱，後宮數千，常乘羊車，宮人持竹葉于門，洒塩以待之。羊車所至，即留酣宴，與群臣語，未嘗有經國遠謀。自吳既平，謂天下無事，盡去州郡武備。山濤獨憂之。漢魏以來，羌胡鮮卑降

者多處塞內諸郡郭欽嘗上疏謂宜及平吳之威漸徙內郡雜胡於
邊地峻四夷出入之防明先王荒服之制帝不聽卒為天下惠帝在
位改元者三曰泰始咸寧太康太子立是為孝惠皇帝
孝惠皇帝名衷性不慧為太子時納妃賈氏充之女也多權詐衛瑾
嘗侍武帝陽醉跪于前以手撫床曰此座可惜武帝悟密封尚書疑
事令太子決之賈氏大懼倩外人具草代對令太子自寫武帝悅得
不廢至是即位賈氏為皇后預政皇太后楊氏乃帝母楊后之從妹
父駿為太傅賈后殺駿而廢太后殺太宰汝南王亮殺太保衛瓘殺
楚王瑋以來望用張華裴頠王戎管機要華盡忠帝室后雖凶險猶
知敬重與頠同心輔政數年之間雖暗主在上而朝野安靜戎與時
浮沈無所匡救性復貪吝田園遍天下執牙籌晝夜會計家有好李

恐人得其種常鎖其技凡所賞拔專事虛名阮咸之子瞻見戎戎問
曰聖人貴名教老莊明自然其旨異同瞻曰將無同戎咨嗟良久遂
碎之時語三語掾是時王衍樂廣皆善清談衍神情明秀少時山濤
見之曰何物老嫗生寧馨兒然誤天下蒼生者味必非此人也衍弟
澄及阮咸咸後子脩胡毋輔之謝鯤畢卓等皆以任放為達醉裸不
以為非比舍郎醜熟卓夜至寢間盜飲為守者所縛且視之畢吏部
也樂廣聞而笑之曰名教中自有樂地何必爾初魏時何晏等立
論以天地萬物皆以無為本衍等愛重之裴頠著崇有論不能救○
太子適非賈后所生后廢殺之征西大將軍趙王倫矯詔勒兵入宮
廢后殺之殺張華裴頠倫為相國淮南王允率兵討倫不克死倫殺
衛尉石崇有愛妾綠珠倫嬖人孫秀求之不與秀誣崇奉允為亂

叔之崇曰。奴輩利吾財耳。叔者曰。知財為禍。何不早散之。遂被殺。倫自加九錫。逼帝禪位。賞與皆為卿相。奴卒亦加爵位。每朝會。貂蟬盈坐。時人語曰。貂不足。狗尾續。齊王同鎮許昌。成都王穎鎮鄴。河間主顯鎮關中。各舉兵討倫。倫伏誅。同輔政。驕奢擅權。顯使長沙王乂殺之。穎亦恃功驕奢。已而與顯舉兵。反入奉帝。及穎戰。穎將陸機戰敗。被叔歎曰。華亭鶴唳。可復聞乎。與弟雲皆為穎所殺。機雲皆陸抗子也。穎進兵入京師。為丞相。已而還鄴。顯表穎為皇太弟。東海王越奉帝命征穎。穎遣兵拒戰于蕩陰。乘輿敗績。侍中嵇紹以身衛帝。被殺。血濺帝衣。穎迎帝入鄴。左右欲浣帝衣。帝曰。嵇侍中血。勿浣也。穎奉帝還洛。顯將張方在洛。遷帝於長安。顯廢太弟穎。更立豫章王熾為太弟。東海王越發兵西入長安。奉帝還洛。以越輔政。成都王穎先據

洛陽。已而奔長安。又自武關奔新野。遂北濟河。叔故將士為顯。壯太守所執。時范陽王虓據鄴。送穎於虓。未幾被殺。○帝食麵。中毒而崩。或曰。東海王越鳩之也。帝昏愚。天下大饑。帝曰。何不食肉。樂華林園。聞蛙鳴。帝曰。彼鳴者為官乎。為私乎。左右戲之曰。在官地者為官。在私地者為私。方賈氏專政。時人知將亂。索靖指洛陽宮門銅駝。歎曰。會見汝在荆棘中耳。趙王倫亂後。諸王迭相殘滅。天下大亂。○劉淵興于左國城。淵故南匈奴之後。匈奴由漢魏以來。臣中國。其先世自以漢甥。冒漢姓。父豹為左部帥。生淵。幼而雋異。博習經史。嘗曰。吾耻隨陸。無武。遇高帝而不能建。封侯之業。絳灌無文。遇文帝而不能興。庠序之教。豈不惜哉。於是兼學武事。姿貌魁偉。初為侍子。在洛。豹死。武帝以淵代為五部帥。既而為北部都尉。五部豪傑多歸之。及帝世。

以為五部大都督成都王穎表為左賢王嘗使將兵在鄴淵子聰亦
驍勇絕人博涉經史善屬文彎弓三百斤酒後祖宣曰漢亡以來我
單于徒有虛號無復不土自餘王侯降同編戶今吾眾雖衰猶二萬
奈何歛手受役奄過百年司馬氏骨肉相殘四海鼎沸左賢王英武
超世復呼韓邪之業此其時也乃相與謀推之淵說穎請歸帥五部
來助既至左國城宣等推為大單于二旬間眾五萬都離石胡普歸
之者愈眾乃建國號曰漢稱漢王淵有族子曜生而眉白目有赤光
幼聰慧有膽量亦好讀書屬文射能洞鐵七寸至是為淵將○巴西
氏李特初以流民入蜀旬月眾二萬據廣漢進攻成都為刺史羅尚
所敗斬其首弟流代領其眾勢復盛流死弟雄代攻走羅尚入成都
至是自稱成都王○鮮卑慕容廆自武帝時已為寇既而降以為鮮

卑都督廆生說自遼東徙居徙河又徙大棘城及帝世慕容部愈盛
○鮮卑索頭拓跋氏先是有箕子在晉武帝遣歸既而拓跋力微又
遣其子入貢力微死子悉祿官立及帝世索頭分國為三部一居上
谷之北祿官自統之一居代郡參合陁之北使兄子猗也統之一居
定襄之盛樂故城使猗也弟廆統之晉人附者稍眾猗也渡漠北
巡西畧諸國降附者三十餘國拓跋氏之盛始於此夷狄亂華之禍
皆萌葉於漢魏晉間至帝之世乘中國大亂始四起○帝在位十七
年改元者五曰元康永康太安永興光熙太弟立是為孝懷皇帝○
孝懷皇帝名熾當惠帝之十五年武帝子二十五人兄弟相屠之餘
存者三人而已熾其一也素好學故立為太弟至是即位○成都王
李雄稱帝國號成○漢主劉淵稱帝徙都平陽遣其子聰及石勒等

攻晉內郡以至洛陽勒武舞獨人也先是嘗至洛陽倚上東門長嘯
王行識其有異後為寇已而從漢○漢主滿卒子和立聰弒而代之
○太傅東海王越遣兵入宿衛仍遣使以羽檄徵天下兵入援越自
帥兵討石勒卒于軍勒兵敗越軍執太尉王衍等衍自言少無宦情
不飛世事勒曰吾行天下多矣未嘗見此輩人尚可存乎或曰彼皆
晉之王公終不為吾用勒曰雖然要不可加以鋒刃夜使人排牆殺
之○漢主聰遣呼延晏將兵攻洛陽劉曜王彌石勒皆會遂陷洛陽
執帝送平陽尋被殺○帝在位六年改元者一曰永嘉秦王立於長
安是為孝愍皇帝

孝愍皇帝名業吳主劉之子武帝孫也封秦王洛陽既陷荀藩秦王
越許昌時年十二已而索琳避入雍州刺史賈疋等奉為皇太子建

行臺盜殺疋勳允領雍州懷帝出問至王即位於長安○石勒遣石
虎攻鄴陷而據之○漢屢寇長安勳允索琳屢敗之味殺漢兵連陷
諸郡逼長安先陷外城勳允索琳退守小城內外斷絕城中饑甚帝出降漢將劉曜送
平陽聰享群臣命帝著青衣行酒洗爵又使執蓋後遇害帝在位四
年改元者一曰建興西晉自武帝至是凡四世五十二年瑯琊王立
於建業是為中宗元皇帝

瓶城高木賚校閱

傍訓十八史畧讀本卷之三終

傍訓十八史略讀本註解卷之三

貨泉 金貨ノ通用猶ヲ泉水ノ流通ス 日角 額肉隆起スルヲ云 絳衣大冠 大將武官

取死 死ヲ惜マ 中堅 本陣ナリ 股戰 ソルハ恐也 尺寸 ハツカノ志シ也 延攬 ナリ

北道主人 北行ノ按内者 候吏 驛官ナリ 流漸 氷ノトケテ流ルナリ 移檄 ヒキ

散乱 イリクミタル也 反側子 ウシカヘリヲスル者ヲ云 勒兵 兵隊ヲヒキ

按行 見送りミ 推赤心置人腹中 真心ヲ推シ人ニ示シ少シ 攀龍 ヲ

鱗附鳳翼 天子ニ附キ 四七之際 高祖ヨリ光武イテ二百二十八

火為主 漢ハ火徳ノ王 赭汗 顔ヲ赤クシ汗 垂髻 小兒 戴白 老人

垂翅回溪 敗北 奮翼澠池 勝利 東隅 日出ノ方 桑榆 日没ノ方 鐵中鋒々 鐵中ニ鋒々ノ聲アルカ如ク惡人中ニテ善者也ト云

傭中伎々 凡庸中ノ好 遼東豕 珍シカ

落落 小節ニカハシヌ 度外 法度ノ外ナリ 陞衛 警固ノ兵士 雌雄未

定

分勝負ノ定也

修飾邊幅

カタスミノ小サキ所ト云フ

偶人

水ヲキザミテ作レル人形也

殿廡

廊下ヲ云フ

岸幘

冠ヲ着ケズ類ヲアラシハシ

陸戰

警固ノ爲メニホコナドヲ階下ニ

真

帝王ニナルハ自ラ

刺客

人ノ頼ミニ應シ人ヲ

說客

世ノ中ヲ説キア

自有

文辯

文學辨論ヲ云フ

戰國縱橫之事

戰國ノ時齊楚韓魏趙燕

王命論

王者ハ必ス天命

章

方國

四方諸侯ヲ云フ

不款曲

振舞ハカニ立

鳴劍抵掌

武カ

有折衝千里之威

衝ハ敵陣ヲ衝ノ車ナリ買復力威

雙鑠

スコヤカナル良

蒼頭

中間ノ如キ者ヲ云フ

驂衆

瘴氣

瘴氣ハ南方ノ惡氣

守闕求哀

御所ノ御門ニ至テ嘆願ス

糟糠之妻

糟ハ酒ノ

勝

強項令

項ハウナニマウノブキヤウト云フ

蒼頭

中間ノ如キ者ヲ云フ

驂衆

ソヘノリ

勝

物色

人相書ナリ

明堂靈臺辟雍

明堂ハ王者諸侯ヲ朝セシムルノ宮靈臺ハ天文ヲ觀

祭然文物可述

祭然ハ明カナル良札式ノ註ク

首

服

白狀レテ其罪ニ服ス

三老

老人ト云ヒ或ハ三公ト云フ

執醬而饋

醬ハ醢醬トアリ肉ヒレホヲ云フ饋ハ賁人ニ食ヲオクル

五更

指紳

指ハハサムナリ紳ハ大帯ナリ事アレハ

頭踈懈

頭ハニハカナリ

穆々

與フカキ良

皇

議貢舉法

地方ノ役人ヨリ其地ノ行義有オノ

徵辟皆

者ヲ朝廷ヘ撰ミ出スノ法ヲ評義ス

不至

朝廷ヨリ召フ徵ト云ヒ其地ノ役所ニテ攀ルヲ

飛而食

肉

何ナル所ヘモ押渡リ功ヲ

蕩佚簡易

レマリナクテガレキコト

逆旅

旅人ノ泊ル所

鄙吝之萌

野鄙ナ心ノ生スルナリ

汎濫

汎ハ傍ヨリ出ル泉ヲ云フ濫ハ正而

出ルヲ云フ

出ルヲ云フ

出ルヲ云フ

出ルヲ云フ

出ルヲ云フ

出ルヲ云フ

漏察

漏ハ心ニマキナリ心ニセマク

穆々

與フカキ良

皇

與フカキ良

皇

與フカキ良

執爵而酌

爵ハ杯ノ類酌ハ食畢テ酒ヲ飲ム

頭踈懈

頭ハニハカナリ

穆々

與フカキ良

皇

與フカキ良

頭踈懈

頭ハニハカナリ

穆々

與フカキ良

皇

與フカキ良

皇

與フカキ良

穆々

與フカキ良

皇

與フカキ良

皇

與フカキ良

皇

與フカキ良

皇

與フカキ良

皇

與フカキ良

皇

與フカキ良

皇

與フカキ良

飛而食

飛ハニハカナリ

穆々

與フカキ良

皇

與フカキ良

皇

與フカキ良

逆旅

旅人ノ泊ル所

穆々

與フカキ良

皇

與フカキ良

皇

與フカキ良

鄙吝之萌

野鄙ナ心ノ生スルナリ

汎濫

汎ハ傍ヨリ出ル泉ヲ云フ濫ハ正而

出ルヲ云フ

出ルヲ云フ

出ルヲ云フ

出ルヲ云フ

肉

何ナル所ヘモ押渡リ功ヲ

蕩佚簡易

レマリナクテガレキコト

逆旅

旅人ノ泊ル所

鄙吝之萌

野鄙ナ心ノ生スルナリ

鄙吝之萌

野鄙ナ心ノ生スルナリ

汎濫

汎ハ傍ヨリ出ル泉ヲ云フ濫ハ正而

出ルヲ云フ

出ルヲ云フ

出ルヲ云フ

出ルヲ云フ

肉

何ナル所ヘモ押渡リ功ヲ

蕩佚簡易

レマリナクテガレキコト

逆旅

旅人ノ泊ル所

鄙吝之萌

野鄙ナ心ノ生スルナリ

鄙吝之萌

野鄙ナ心ノ生スルナリ

汎濫

汎ハ傍ヨリ出ル泉ヲ云フ濫ハ正而

出ルヲ云フ

出ルヲ云フ

出ルヲ云フ

出ルヲ云フ

ナ **都講** 熟頭ノ如キ **以近習為言** 近習ノ者ヲ除ン **茂材異等** 茂材

オ **云フ** 異等ハ **譬曉之** 譬ヲ引テ諭スル **我獨有二天** 我ハカカリニツ

一 **ノ** 天ノ外ニ別ニ恩ヲカ **公車** 上書ヲ取 **千羽之舞** 古有苗命

ア **リ** 禹之ヲ征シテ服セズ師ヲ班シテ德ヲ修メ千羽ヲ兩階ニ

舞ハシメ七旬ニシテ有苗來リ服スト云フ **政有恩貸** 政ハ仁惠ノ沙 **馭委其轡** 馭

御者ナリ御者ガ **馬駘其御** 御ハ馬街ナリ駘ハ曉ナリ **四牡橫奔**

四牡ハ牡馬ヲ云フ **皇路險傾** 皇路ハ車ノ名車 **拊勒鞅鞞** 鞞

善ナリ拊ハ持ナリ **皇路險傾** 皇路ハ車ノ名車 **拊勒鞅鞞** 鞞

善ヲ執リ車ノ橫木ヘ結舟ル **豈暇鳴和鸞**

清節奏 和鸞ハ鈴ノ音ノ調子ヲ善クシテ徐カニ歩マセルナト

ナ **用王匣** 匣一説ニ甲ナリ玉ヲ以テ稱トナシ **負笈** 笈

書物箱トアリ遊學スル者ハ心ス笈 **冢隧** 冢ハ墓ナリ隧

ヲ束祭ニ **箕踞** 兩足ヲ伸シテ其フ端ノ如 **危坐** 危ヲ足ノヒシ

用 **夜察乾象** 夜ハ天文ヲ **鷹鷂之志** 左傳ニ君ニ禮ナキモ

力如シトアリ世ノ惡人ヲ **鞠躬屏息** 躬ヲカバメテ息ヲモ出

搏 **登龍門** 龍門水險ニシテ魚鱉ノ屬上ル **因師得印** 天下

範タルヲ以テ **主畫諾** 画諾ハ唯諾スルコト **但坐嘯** 嘯ハ

官ヲ得タル也 **以減否相高** 人ノ善ヲ言フ

吹トアリ但其職ニ居テ他ノ為ル **更相標榜** 標榜ハ互ニ名号ヲ

フ **諸詔獄考死** 詔獄ハ天子囹圄ノ中ニ設ケアル **機警有權數**

也 **邦國殄瘁** 國ノ滅亡ニ至 **符水** 符ハ御封ト云フガ如

機警ハ機變ニ應スルニサトキナリ **任俠放蕩** 任俠ハ

力ニマカセテ弱キ者ヲ助ル風ヲ云フ **月旦評** 月々ノ評ト

蕩ハキマニテ弱キ者ヲ助ル風ヲ云フ **月旦評** 月々ノ評ト **失**

魂魄開怖シテ代漢者當塗高漢ノ天下ニ代ル者ハ塗ニ當テ高

資實空虛資財ノ空驛肉皆消驛ノ肉ヲ云フ天府之國天府ハ財

府ハ傳來ノ宋器重寶ヲ藏スルノ庫草食壺漿壺漿ハ飯ヲ盛ル器

入レタル器蒙衝闕艦蒙衝ハ船ノ四方へ板ヲ並ニテ防キ狀率ノ如シ

因テ名ク雷鼓大進雷鼓ハ乱打當刮目相待目ヲ刮スルハ目ヲ

故融ク目ヲ明待テ視ヨト云フカ如シ得展其驥足耳驥ハ

ナリ十分ニ駿足ヲ展ヘテ驅歩ルクヲ得源流相接者天子ノ

者ヲ云フ為提頭昔出シト九品官人其土地ノ人物ヲ九等ニ別

ナリ志存經畧志ハ天下ヲオサムル尋章摘句章ヲ尋ハ一章ノ

ヲ摘ハ一句ノ主意ヲ摘取ル參署參ハ參議スルナリ署ハ職次

或説ニ參ハ異同ヲ參酌シ集衆思廣忠益衆人ノ了簡ヲ集テ人

テ署シテ之ヲ行フトアリ集衆思廣忠益衆人ノ了簡ヲ集テ人

スル若速小嫌難相建覆小嫌疑ヲ長テ人ノ言フ

反覆辨論スル曠闕損矣其曠ヲ曠メ國事ノ闕損ス

共為唇齒唇ナクニ助トナルハ齒寒シト云フガ如七縱七禽七タビ

未聞達於諸侯名聲ノ諸侯ノ國ニ枉屈其キヲ屈シテ駕ヲ枉付託

不效舟託ハ先主ヨリ頼ミ置寂然無聞寂然ハヒツソリナリ

沙汰モナカ王業不偏安帝王ノ業タルモノ四海ヲ一統スル

云フ逆觀今カシ此ノ往ノ事ハ木牛流馬水ニテ御エセシ牛馬

ナリ其製ハ杜氏通屯田テ耕作ヲモスルナリ巾幗婦人之服

巾幗ハ婦人ノ首ノ飾トアリ之所噉食不至數升日ニ食スル食

ヲ送テ敵將ヲ辱カニメシナリ能料生不能料死存生中ノ所爲ヲ料知ルト

ハ少量ヲ云フ能料生不能料死存生中ノ所爲ヲ料知ルト

ト云フ**推演兵法**古兵法ノ意ヲ
鐘簾橐駝銅人承露盤鐘簾ハ樂器
ヲ懸ルノ水橐駝ハ獸ノ名羊ノ首牛ノ身銅人ハ人ノ像皆銅ヲ
以テ作ル承露盤ハ漢武帝ノ始テ作ル所仙臺ト名テ表露
ヲ承ルトトテ屋上ニ**作事情々**情々ハ心暗キ自事ヲ作ニ何
銅盤ヲ設シナリ

官僮蒼頭ハ家僕ナリ官僮ハ童奴ノ如キヲ云フ**以綴姜維**綴ハ他ニ心ヲ牽レテ
而進魚貫ハ小魚ヲ串ニ貫タレバ**推杆斂手**推杆ハ碁盤ヲ推除ク
如ク一行ニ成テ進ムナリ

ナリ**釋吳為外懼**吳ヲ捨置テ之ヲ國家ノ二ノ懼ルヘキ敵國ト
ナリ**遺落世事**世俗ノ事ヲ餘**放達**世俗ヲ罷ヒ抜テ拘ハ
ルコトヲ**甄拔人物**人物ヲ見分テ**迎刃而解**刃物ヲ向レハ當ル
コトヲ

親ニ載セタルナリ**密封尚書疑事**尚書ノ役牙ノ疑ノ決ニ
單代對己ニ代テ返答セシム**與時浮沈**時世ナリニ**執牙籌晝夜**
會計牙籌ハ算牙ノ算盤ニ**鑽其技**其タネヲ鑽ルナリ**名教**ハ臣ノ道ハ名

忠子ノ道ハ孝ト何事ニ**寧馨兒**寧馨ハ如此ト云フカ如シトア
モ名ヲ立テ教ユルナリ**比舍郎**比舍郎ハ軒並ヘノ
アリ**任放**自然ニ任セテ世事ニ**比舍郎**比舍郎ハ軒並ヘノ
其内ノ造レル酒**名教中自有樂地**名教ハ礼教ノ教ヲ云フ礼義
ノ熟シタルナリ

モノニト**崇有論**人間ノ事悉テ有テ崇ムト云フ論彼ノ**貂蟬滿**
云フト**坐**貂蟬ノ屬トアリテソノ皮ヲ云フ貂蟬ハ共ニ冠ノ飾侍中
々々常侍ノ冠スル所ナリ時ニ双使ノ如キ度者モ高位ヲ授リ
此冠ヲ用テ常ニ其坐**貂不足狗尾續**貂ノ皮足ラズレテ代リニ
ニ列ナリ居ルヲ云フ

用ヲ詳**華亭鶴唳可復聞乎**華亭ハ陸機ノ知行セシ地鶴唳ハ鶴
ルナリ**肉糜**肉ハ魚等ノ肉**雋異**雋ハ俊ト同シスナル**庠**
又ト云フト**序之教**學校ノ教**奄過百年**奄ハ忽ナリ年月ノ早ク過ルヲ云
ノ鶴鳴モ聞レ**長嘯**嘯ハ声ヲ吹トアリ声**羽徽**徽ハ軍中ノ書板ハ

ノ羽ヲ捕テ其急ヲ表ス

故ニ一ト云フ

五

五

五

五

傍訓十八史略讀本註解卷之三畢

